

Datganiad i'r wasg

Dyddiad: 17 Tachwedd 2006

Teitl: Prifysgolion yn annog myfyrwyr i roi eu barn

Mae adroddiad newydd sy'n edrych ar sut mae prifysgolion a cholegau yng Nghymru yn annog myfyrwyr i roi eu barn wedi cael ei gyhoeddi heddiw.

Mae'r adroddiad, a gyhoeddwyd gan Gyngor Cyllido Addysg Uwch Cymru (CCAUC), yn ystyried hefyd sut y mae ceisio barn myfyrwyr wedi helpu i ddiogelu ansawdd cyrsiau.

Dangosodd yr adroddiad fod pob un o sefydliadau addysg uwch Cymru yn ystyried bod myfyrwyr yn allweddol i wella ansawdd. Roedd systemau sy'n rhoi cynrychiolaeth i fyfyrwyr wedi'u datblygu'n dda ar y cyfan gan y sefydliadau, gyda chysylltiadau ffurfiol ac anffurfiol effeithiol rhwng uwch reolwyr a Llywydd Undeb y Myfyrwyr.

Nodwyd bod myfyrwyr wedi sicrhau newid ar wahanol lefelau, a gwnaeth yr adroddiad argymhellion hefyd ynghylch sut y gellid gwella cynrychiolaeth myfyrwyr.

Meddai'r Athro Philip Gummett, Prif Weithredwr CCAUC: "Mae'r adroddiad hwn yn cadarnhau bod sefydliadau addysg uwch Cymru yn cymryd o ddifrif bwysigrwydd gwrando ar farn eu myfyrwyr, ac rydym yn croesawu hyn."

Dywedodd Becky Church, Dirprwy Lywydd NUS Cymru: "Roeddem yn falch iawn o gael y cyfle i gymryd rhan yn yr astudiaeth hon ac mae'n dda gennym weld yr adroddiad yn cael ei gyhoeddi. Mae NUS Cymru yn gweithio'n galed i sicrhau bod myfyrwyr yn cael eu cynrychioli ar bob lefel o fewn Addysg Uwch ac edrychwn ymlaen at weithio gyda CCAUC ac Addysg Uwch Cymru i weld argymhellion yr adroddiad yn dwyn ffrwyth."

Meddai Amanda Wilkinson, Cyfarwyddwr Addysg Uwch Cymru: "Rydym wrth ein bodd gyda chanlyniadau'r astudiaeth hon, sy'n ategu casgliadau'r Arolwg Cenedlaethol o Fyfirwyr bod profiadau myfirwyr o addysg uwch yng Nghymru o ansawdd uchel iawn. Mae prifysgolion Cymru yn parhau i werthfawrogi'r rhan a chwaraeir gan fyfirwyr yn eu prosesau penderfynu. Mae hyn yn rhan o ymrwymiad parhaus y sector i gynnal ansawdd a safonau academaidd uchel. Bydd y sefydliadau'n parhau i weithio gyda'i gilydd, gan rannu gwahanol brofiadau ac arferion, i sicrhau bod y sector yn aros yn gystadleuol yn y maes hwn".

Diwedd

Am fwy o wybodaeth, cysylltwch ag Emma Raczka, Rheolwr Cyfathrebu, CCAUC, ar 029 2068 2225 emma.raczka@hefcw.ac.uk

Mae'r adroddiad *Study of the Extent and Effectiveness of Existing Student Representation Structures within Higher Education Institutions across Wales (Saesneg yn unig)* ar gael ar www.hefcw.ac.uk (tudalennau Cylchlythyrau).

Corff Cyhoeddus a Noddir gan y Cynulliad yw **Cyngor Cyllido Addysg Uwch Cymru** (CCAUC). Fe'i sefydlwyd ym mis Mai 1992 a daeth yn gyfrifol am gyllido addysg uwch yng Nghymru ar 1 Ebrill 1993.

O dan Ddeddf Addysg Bellach ac Uwch 1992, mae'r Cyngor yn gyfrifol am weinyddu'r cyllid a roir gan y Cynulliad i gynnal yr addysg a ddarperir a'r ymchwil a wneir gan sefydliadau addysg uwch a chyrsgiau addysg uwch penodedig a ddarperir mewn sefydliadau addysg bellach.

O dan Ddeddf Addysg 1994, mae'r Cyngor yn gyfrifol am achredu darparwyr hyfforddiant cychwynnol ar gyfer athrawon ysgol ac am gomisiynu ymchwil i wella safonau athrawon a hyfforddiant athrawon.

Yn ogystal â'i gyfrifoldebau cyllido, mae'r Cyngor yn cynghori Cynulliad Cenedlaethol Cymru ar anghenion ariannol, dyheadau a phryderon y sector addysg uwch yng Nghymru.